



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sulpici[i] Severi Presbyteri Opera Omnia**

**Sulpicius <Severus>**

**Amstelodami, 1665**

Demetrius Soter Rex Syriæ.

**urn:nbn:de:hbz:466:1-11490**

XXXIV. <sup>1</sup> Ea tempestate <sup>2</sup> Judas, Syros in arce positos <sup>1</sup> obsidebat. Qui cum <sup>3</sup> fame atque inopia afficerentur, missis ad regem nunciis, præsidium implorant. Ita Eupator, <sup>4</sup> cum <sup>2</sup> centum millibus, & equitum viginti millibus, suis subsidio venit: præeuntibus aciem, cum ingenti terrore, <sup>5</sup> elephantis. Tum Judas, laxata obsidione, regi obviam tendit, <sup>3</sup> primoque <sup>6</sup> prælio Syros fundit. <sup>7</sup> Rex petit pacem: <sup>8</sup> quia <sup>4</sup> infido ingenio male usus, perfidiam consecuta ultio. Nam <sup>9</sup> Deme- <sup>5</sup> trius

filia. Et *Ὀπάειδαι* dicti à Theseo nobiles Atheniensium. *Plut.* in Theseo, atque patricios idem sic vocat in *Publicola*.

<sup>1</sup> *Ea tempestate.*] Anno post obitum Antiochi Epiphaniis, qui Græcorum erat et.

<sup>2</sup> *Judas Syros in arce positos obsidebat.*] Causa obsidionis excursiones eorum perpetuat. Vide *Joseph. XII, 14.*

<sup>3</sup> *Fame atque inopia*] *Καί τινος δάσους μηχανήματα καὶ χρώματα ἐγείρας φιλοπίας ἀεθσέκειν τῆ δ' ἀκρας αἰρέσει. Joseph.*

<sup>4</sup> *Cum centum millibus.*] Videtur legendum, cum peditum centum millibus. *Drus.*

<sup>5</sup> *Elephantis.*] Triginta duobus *1* *Machabæorum c. VI. v. 30. Josephus lib. XI I. cap. 4.* Octoginta. *Historia Ebraica.* Fuerunt Indici, qui Libycos longe superant, teste *Livio xxxv I.* Præliandi cum elephantis mos, accurate *1* *Macc. c. VI.* describitur. Summa est: pro xxxi. elephantis depugnasse xxxi. millia peditum, xvi. millia equitum. *Vegetius III, 24.* Elephantis in præliis magnitudine corporum, barritus horrore, formæ ipsius novitate, homines equisque conturbant. Hoc contra Romanum exercitum primus in *Lucania Pyrrhus Rex* eduxit. Postea *Hannibal in Africa, Rex Antiochus in Oriente, Jugurtha in Numidia,* copiosos habuerunt: adversus quos diversa excogitata sunt armorum genera. Fuisse Indicos etiam hinc patet, quia singuli in ligneis turribus *xxi.* propugnatores habuerunt: cum *Africani* vix sex vel septem portent.

*Gesnerus & Aldrovandus,* ex *Livio, Plinio, Solino.*

<sup>6</sup> *Prælio Syros fundit.*] Contra sentitis, qui lemmata in *Josephum* composuit. Nam victum ab *Antiocho* Judam tradit, & in templo obsessum. Verba sunt: *Ὡς Ἀντίοχος ὁ δ' Ὀπάειδος Ἰεραδαίως νικήσας ἐπολιόρησεν Ἰεραδαίως, εἰς τὸ ἱερόν ἐκκλείσας.* Ex textu & *Machabæorum & Josephi* certum est, capta à Syris *Bethsura,* exercitum *Hierosolyma* venisse, & *Judam* ibi obsessum. Igitur male *Sulpicius* victoriam *Judas* attribuit, quæ nulla fuit. *Horn.*

<sup>7</sup> *Rex petit pacem.*] *Καὶ πέμψας ὁ βασιλεὺς ἀπὸς τῶν Ἰεραδαίων, καὶ τῶν αὐτῶν πολιορκηδόνων, εἰρήνην τε ἐπιπέμψας καὶ συσχερεῖν τοῖς πατρώοις νόμοις χρωμένους ἔλω.* *Joseph.* Causa fuit adventus *Demetrii,* ut in sequentibus refertur.

<sup>8</sup> *Quia infido ingenio male usus.*] Legendum opinor, quia pro quia, ut pax subintelligatur. *Qua pace,* inquit, *infido ingenio male usus est perfidiam consecuta ultio.* Constat enim verbum substantivum (est) in hac historia desiderari. *Drus.*

<sup>9</sup> *Demetrius.*] *Appianus* in *Syriacis* hunc *Demetrium* ait fuisse *Σελδύκην τὸν υἱὸν Ἀντόχου ἢ Ἐπιφανῆος ἀδελφεοῦ.* *Ἰωνὸν ἢ Ἐμεγάλου Ἀντόχου, ἀνεψιον ὄντα τῶνδε τῶν παιδῶν.* Non ergo patruus erat *Antiochi Eupatoris,* ut *Justinus lib. xxxiv.* scriptum reliquit: sed patruelis, ut recte *Appianus* eum appellat. Erant enim duorum fratrum *filii.* Adito sis ad locum illum *Appiani* & ad

trius <sup>1</sup> Seleuci filius, quem Romanis obsidem datum supra memoravimus, <sup>2</sup> ut audivit Antiochum decessisse, <sup>3</sup> petivit, <sup>4</sup> ut se in regnum remitterent. Quod <sup>5</sup> cum ei negatum fuisset, <sup>6</sup> clam Roma profugit, <sup>7</sup> in Syriam venit, regnumque occupavit: <sup>8</sup> Antiocho filio, qui annum unum & menses sex regnaverat, interfecto. Hoc regnante, primum <sup>9</sup> Judæi <sup>10</sup> à populo Romano amicitiam fedusque petiere: benigneque excepta legatio, Decreto Senatus, socii atque amici appellati. <sup>10</sup> Interim Demetrius, adversus Judam, per duces suos, bellum

& ad Epitomen Livii. *Drus.* Præter hunc etiam Philippus, qui cum Lyfia gubernator regni & pueri Eupatoris constitutus erat, tum Antiochiæ rebelavit. Atque hæc princeps pacis cum Juda inira causa. *I Machab. xlii. xl. 22. Joseph. xlii. 14, 15.*

<sup>1</sup> *Seleuci.*] Non Antiochi magni, ut existimasse videtur Justinus. Nam Antiochum Epiphanem appellat fratrem Demetrii, cum fuerit fratris filius. Seleucus enim & Antiochus ille germani fratres erant. Horum filii Eupator & Demetrius. Nihil certius. *Drusius.* Vide Justinum xxxiv.

<sup>2</sup> *Ut audivit Antiochum decessisse.*] Audita morte Antiochi, cujus loco Romæ obses fuerat, petivit primo ut se in regnum reducerent, secundo, ut saltem obses esse desineret, quandoquidem permutatus esset patrueli, qui tum defunctus erat. Quum ne hoc quidem impetraret, aufugit navigio. *Appianus.*

<sup>3</sup> *Petivit ut se in regnum remitterent.*] Postulatum non iniquum. Vide Grot. de Jure P. ac Belli l. 1. 20. Justinus: *Dimitti igitur se ad regnum petendum æquum esse, quod sicut jure gentium majori fratri cesserit, ita nunc sibi, qui pupillum ætate antecedit, deberi.*

<sup>4</sup> *Cum ei negatum esset.*] Justinus: *Cum se non dimitti animadverteret à Senatu, tacito judicio, tutius apud pupillum, quam apud eum, regnum futurum arbitrante. Eo enim tempore annum xlii. ingressus erat.*

<sup>5</sup> *Clam Roma profugit.*] Specie venan-

di ab urbe profectus, Hostiæ tacitus cum fugæ comitibus, navem conscendit. *Justinus.*

<sup>6</sup> *In Syriam venit.*] Aripolin: ubi exceptus fuit à Syris magna gratulatione, regnumque adeptus est, Lyfia primum occiso, deinde puero & Timarcho, qui Babylonis præfecturam male administraverat. Quamobrem Soter appellatus est, orto à Babylonis initio. *Appianus. Drus.* Vide Josephum xl. 17. *I Mach. vii.*

<sup>7</sup> *Antiocho filio, qui annum unum & menses sex.*] Puero malim, nisi scripsit, *Antiocho Antiochi F.* Similis defectus supra. Igitur *Demetrii filius.* Nam legendum, *Demetrius Demetrii filius.* Puer autem erat, cum interficeretur, decennis, postquam novennis, id est, *ovrasθης*, ut est in Appiano, ad regnum pervenisset. Unum ergo dantaxat annum regnavit. Quibus noster adjicit sex menses. Quanquam in Eusebio ann. 2. *Drus.*

<sup>8</sup> *Judæi à populo Romano amicitiam fedusque petiere.*] *I Machab. vi. 11. Joseph. Ant. hist. lib. xli. cap. 17. Gorionides lib. iv. cap. 33.*

<sup>9</sup> *À populo Romano.*] Cujus tum ingens potentia, Syriæ ac Ægypti Regibus formidabilis. Nam eo tempore jam in Asiam arma eorum penetraverant, & Hispaniam. *I Mach. viii. & Josephus xlii, 17.*

<sup>10</sup> *Interim Demetrius.*] Jussus quidem à Romanis abstinere Judæa, sed jam missis cum exercitu Bacchide. *I Mach. viii.*